

## Расулulloҳ соллаллоҳу алайҳи васалламнинг бошларидан ўтган баъзи ҳолатлар



14:05 / 28.06.2020 4936

Қарзга ботдингизми?

- Расулulloҳ соллаллоҳу алайҳи васаллам вафот этганларида совутлари ўттиз соъ арпа эвазига бир яҳудийда гаровда эди.

Фақирликдан қийналяпсизми? Уйингизда егулик озми?

- Расулulloҳ соллаллоҳу алайҳи васалламнинг уйларида бир неча ойлаб қозон осилмас, олов ёқилмас, таом пиширилмасди.

Фарзандларингизнинг бирортасидан айрилдингизми?

- Расулуллоҳ соллаллоҳу алайҳи васалламнинг ҳаётлик чоғларида Фотима розияллоҳу анҳодан бошқа барча фарзандлари вафот этишган.

Бирор киши сизни камситиб, хўрламоқчи бўлдими?

- Расулуллоҳ соллаллоҳу алайҳи васалламни бутун бир қавм камситиб, устларига туянинг ичакларини ташладилар.

Сизни қамаб қўйиб, овқат бермай қийнаптиларми?

- Расулуллоҳ соллаллоҳу алайҳи васалламни ўз қавмлари уч йил бир дарага қамаб қўйиб, ўзаро олди-сотди ва бошқа муомалаларни чеклаб қўйдилар.

Кимдир сизни ўлдиришга уриндими?

- Расулуллоҳ соллаллоҳу алайҳи васалламни яҳудийлар ва мушриклар бир неча марта ўлдиришга уриндилар.

Қўшнилари сиздан бирортаси сизга озор беряптими?

- Расулуллоҳ соллаллоҳу алайҳи васалламга бутун бир шаҳар аҳли озор бериб, у зотни туғилиб-ўсган жойларидан бош олиб чиқиб кетишга мажбур қилдилар.

Тишларингиз оғрияптими?

- Расулуллоҳ соллаллоҳу алайҳи васалламнинг урушда рубоий тишлари (олд тишларининг баъзиси) синди.

Қилмаган ишингизни қилди деб сизга тухмат қилдиларми?

- Расулуллоҳ соллаллоҳу алайҳи васалламга сеҳргар, мажнун деб тухмат қилдилар.

Ибодатга дангасалик қиляпсизми?

- Расулуллоҳ соллаллоҳу алайҳи васаллам намозда кўп тик турганларидан оёқлари шишиб кетган.

Ота-онангиздан бирорталарини йўқотдингизми?

- Расулуллоҳ соллаллоҳу алайҳи васаллам туғилмасларидан олдин оталаридан, олти ёшларида оналаридан айрилиб, етим ҳолда униб-ўсдилар.

Бирорта ғамдан, оғир юкдан қийналяпсиэми?

- Расулуллох соллаллоху алайхи васаллам даъват ва рисолат юкини устларида кўтариб юрдилар.

Бирор киши сизни ёлфончига чиқариб, гапларингизни рад этдими?

- Расулуллох соллаллоху алайхи васалламни ўз қавмлари ёлфончига чиқариб, гапларини рад этдилар.

Пайғамбаримиз соллаллоху алайхи васалламнинг бошларига қандай ташвишлар, ғамлар, мусибатлар, қийноқлар, очлик, ташналик, ҳақоратлар ва ҳоказолар тушганини англадингизми?

У зот сиз билан биз умматлари икки дунёда бахтли бўлишимиз учун ана шундай озорларга дучор бўлгандилар.

Аллох таоло севикли Пайғамбаримизга кўплаб саловоту саломлар юборсин ва бизни у зоти бобаракотга муносиб уммат қилсин!

***Интернет маълумотлари асосида***

***Нозимжон Ҳошимжон тайёрлади***